


叔莊主人銀婚悵詞


銀 婚 讌 集 圖



丙辰冬月爾嘉夫婦結婚周廿五年中外羣公珍睨鴻篇稠委

拜賜讌飲既畢作為斯圖用酬厚誼以志不忘林爾嘉識

銀 婚 贈 品 · 圖



林侍郎暨龔夫人銀婚禮成序言

晉江

施士洁

漂舫


歲丙辰仲冬月十有六日菽莊林侍郎偕元室龔夫人
舉行銀婚禮式蓋卽泰西廿五年夫婦之紀念也時則
銀蟾三百映鏡玉以長圓銀蠟十雙披扇紗而一笑削
銀光之柿載詠結褵把銀甲之杯重看合卺於斯爲盛
豈得無言竊維劉麥樊嬭注陸地仙靈之籍木公金母
居神州拜揖之鄉主旨所傳鼎門莫覲若侍郎者舉案
有齊眉之敬祇率常儀脫輿無反目之占斯稱佳耦正

不必侈譚丹竈高步青城而相待如賓第效倡隨於冀
耨宜言偕老長留安樂於邵窩其難一也若夫徐釵樂
鏡惜分連理之襟寶錦秦桑例入相思之調睢鳩方詠
勞燕旋睽若侍郎者凝之偕道韞雙棲我則紱而子則
佩葛令與鮑姑並壽前者于而後者喁從未聞重耳懷
安齊姜促駕楚材遠旅薛媛圖形珊無不互之柯繭有
同功之象其難二也又或黔婁終窶依然荆布之風萊
子辭榮願爲箕帚之役縱不遺於葑菲實有惡於糟糠

若侍郎者金屋班班聯澤李岡盧之眷屬玉田撫撫壯
薛磐杜寶之門楣而乃挽鹿烹雌鳴雞弋雁蔡長史謂
之禮度桓少君不爲貴驕以視下彬之蠶室田居王導
之犢車塵尾固已自成馨逸迴別仙凡矣其難三也昔
之丹穴封君朱門世胄往往發三同之慨劉孝標中饋
無功榜四畏之名王文穆登堂失笑若侍郎者金釵列
坐不聞獅吼之威碧玉專閨無俟鷓鴣之療矧乃陳椒
工頌鮑茗飲香詠觴饒林下之風宮徵叶房中之奏又

何至太常齋日生世不諧大監河魁傖荒可哂彼裴家
栲栳秦婦屢屢詎能同日語耶其難四也至若阮修齒
晚始賦催妝盧象婚遲自慚卻扇對洞房之紅燭顧影
裊裊吟紈素於白頭拊心怊悵若侍郎者乘龍紫府便
是天仙中雀畫屏正當俠少所以螽斯早詠麟定遂振
德門多濟美之才強歲得含飴之樂郭令望諸孫而點
領公悅嫗懽劉殷授七業以蜚聲伯歌季舞其難五也
綜此數難蔚爲百祉銀橋鵲羽證雙星七夕之期銀管

兔毫晉五福九疇之頌此日多男多富是中國西國之
第一流他年曰耄曰頤統金婚石婚爲無量壽



菽莊侍郎銀婚序

閩侯 鄭祖庚 星 賦

銀臺騎省月卿傳喬木之家銀燭畫屏風后踰番花之
信姬隗房中絲闌銀管女牛天上機石銀河蘇眉山銀
澥生春問五五當頭之月郭汾陽銀州遇瑞拜雙雙前
度之星凡茲韻事靡第瀛談况孤嶼放鶴之僊偕武陵
隱蛛之眷栽桑蓬澥塵避姑壇騎竹棣居夢溫嬌館白
華馨膳旁森玉樹之行黑髮含飴歡抱珠宮之膝吟到
銀花火樹燈試上元圖成銀蝶金螢菊開老圃文武兼

資陋銀硯柘弓之話琴瑟雅集超銀牀冰簟之詩臨池
遣興字字銀鉤讀史添薰篇篇銀軸大有銀袍學子心
南豐一瓣之香更看銀甲箏人頌東山萬家之雨無量
數銀泥金簡積爲幔亭孫子之陰功幾生修銀汞丹砂
雙壓鼓浪洞天之奇蹟庚黔婁夫婦翹首沙崔元亮生
涯廁身懷葛報道昇平祥瑞雪梅香左海之魁爲誇圓
好因緣花月獻福人之壽


叔臧侍郎銀婚頌

侯官

吳曾祺

翼亭

板橋林子娶婦而賢琴瑟靜好垂廿五年人間眷屬天上神仙有子及孫世德方延西人有言佳話爭傳以銀喻婚於義近旃謂銀雖美不如金堅銀婚金婚由後溯前二者相待如璧之聯斯是佳朕孰使之然緣由善永福以德全祝君吉語貺我嘉筵



叔臧先生暨配龔夫人銀婚頌

晉江 龔顯鶴 雲史

龍躔紀柔兆之辰鳳律應黃鐘之月叔臧林先生暨配
龔夫人結婚二十有五年西人所謂銀婚也於時葭室
春融板橋慶勰日回長至月共團圓話三五少時曾記
郎君識面歷九千餘日依然夫壻上頭福受重重繇占
五五敍閨門之樂事播中外之美譚典斯隆焉家之慶
也猶憶琯吹鯤泮簫匹鳳樓珈笄敷九牧之光蓬閭麗
三壺之色締逋仙之清眷合配棣花愛坡老之吟朋能

言春月倡和房中之曲偕歸海上之槎賦君子委佗之
詩我佩子黻看兒孫羅列之日公悅嫗懽洵屬福慧身
兼伉儷情竺者已茲者倉龍益算玉兔流輝幾甲子之
半周合陰陽而定位光搖銀海傍蓬島以春多樣泛銀
河指藍橋而路近映銀屏之十二禾章與花卉齊榮揮
銀管之三千綵筆共瓊笙並豔爭羨神仙富貴佳耦儷
劉樊之輓雅宜綰綽康虔吉語鐫姬姜之鼎

顯鶴

蘇門

久客曾與吹簫謝庭清才蚤聞詠絮筵觥鳴於卜鳳雲

初開五世之祥賦窈窕於關雎風始播三章之樂占辰
介福侑銀爵於今朝周甲結褵祝金相於異日試補唐
代催妝之作陸暢颺聲願歌閨宮宴喜之章奚斯獻頌
頌曰

唯麟周召鸛鰒西東地天數合文軌化隆繫銀婚禮曰
歐亞同林侯翩翩爲黑頭公累葉蔭席采華言通佳偶
曰妃渤澥清風桓車挽鹿梁案儕鴻圖披偕隱繭織同
功有兒培桂有孫茁桐多福多壽阿家阿翁歲籥廿五

蟾兔怱怱祥開棹閣律中葭宮璧月如洗玉雪初融銀
章錫羨銀榜延洪摩挲銅狄斟滿瑤笳綺霞灼灼瑞日
瞳瞳雙心一襪懽樂靡窮鶴依羊叔慚愧氎氎鑄金以
俟奏瓦未工何以介之天錫釐龐百年偕老如日方中